

Sakspapir

Saksnr	Utvalg	Type	Dato
082/18	Kommunestyret	PS	08.11.2018

Saksbehandler	Arkiv	ArkivsakID
Svein Helge Hofslundsengen	FE - 270	16/886

Oppfølging av kommunestyresak 55 & 71/18 - forhandlingsresultat

Vedlegg

Forlikavtale mellom Austrheim kommune og Odd Arne Blindheim/Carsten Søreide

Framlegg til vedtak:

Framforhandla avtale vert godkjent slik den ligg føre, og utbetalt i 2018.

Kommunestyret - 082/18 - 08.11.2018

KS - behandling:

Svein Helge Hofslundsengen var inne som setterrådmann i denne saka.

Hofslundsengen innleia med at det har vore vurdert om dette skulle vera ei open eller ei lukka sak, der ein har konkludert med å ta dette som ei open sak. Men om det kjem detaljerte spørsmål kring dette er det naturleg å lukka møtet.

Hofslundsengen orienterte om at det har vore fire forhandlingsmøte mellom partane. Det låg ikkje føre noko krav frå motparten (Blindheim/Søreide) i starten, men det kom etter kvart eit krav på 15,7 millionar. Det var forhandlingar der ein først på slutten klarte å komma fram til eit forlik, der kommunen skal betala 900.000 kroner. Det er gjort ei totalvurdering av om det kunne skje at det vart ei rettssak av dette, og vurderinga er at det ville ha lamma administrasjonen om ein skulle lagt fram all dokumentasjon. Hofslundsengen sa at kommunen har strekt seg veldig langt, men risikoen var at det kunne komma ei sak som ville krevja mykje meir. Summen var nok eit minimum av kva motparten kunne akseptera. Så får det vera opp til kommunestyret om ein godkjenner dette.

Ordførar Per Lerøy (Ap) utgjorde forhandlingsdelegasjonen saman med Hofslundsengen. Lerøy åtvare om at i slike saker vil retten sjå kommunen som den sterke part og idømme sakskostnader, slik at ein uansett ville fått kostnader pluss det interne med kostnader juridisk og eigen innsats. Lerøy sa at dette var eit forlik kommunen kunne landa på under føresetnad av at Søreide/Blindheim fråfaller retten til å stilla nye krav mot kommunen eller mot enkeltpersonar, anten det er i kommunestyret eller i kontrollutvalet. Motparten har nok hatt nokre relevante kostnader og tap, utan at ein heilt kan sei om summen er den korrekte. I forhandlingane starta ein på null og var innstilte på å beklaga og seia unnskyld, men i 12. time enda ein opp med dette forliket. Lerøy sa at ein ikkje er glad for

summen i den økonomiske situasjonen som Austrheim er i, men må vega dette opp mot dei moglege alternative kostnadene, sjølv om ein skulle vinna ei eventuell sak i retten.

Rådmann Liv Løvvik har vore bisittar i dei siste forhandlingsmøta. Løvvik sa at etter at politimeldinga var lagt vekk som «intet straffbart forhold», hadde kommunen ein dårleg forhandlingsposisjon. Den andre parten stod heilt fram til det siste på at det var mogleg med rettssak, og det ville krevd eit omfattande arbeid for kommunen med å henta fram dokumentasjon. For Austrheim kommune ville dei juridiske kostnadene vore ei belastning, samt alle dei tilsette som måtte stilla i denne prosessen, og det ville raskt gitt 5-700.000 kroner i kostnader. Løvvik sa at ho håpte at denne avtalen er noko kommunestyret kan godkjenna.

Reidar Øksnes (Sp) sa at han ville seia noko i saka som kunne gje grunnlag for utsetting, men at han ønskte at møtet vart lukka før han gav desse argumenta.

Vidare handsaming av saka vart utsett til etter dei andre sakene, for lukking av møtet.

Møtet vart så lukka frå klokka 20.25, med Svein Helge Hofslundsengen som setterrådmann.

Assisterande rådmann Olav Mongstad, rådmann Jan Olav Osen, og økonomisjef Olav Birger Andersen forlet møtet (det var ingen tilhøyrarar til stades).

LUKKA MØTE:

Reidar Øksnes sette fram framlegg om utsetting.

Dette fall med 7 mot 10 røyster.

Mindretalet på 7 var sett saman av Sp (1), Høgre (3), Venstre (1), og dei to uavhengige Jorund Stellberg og Liv Ulvøy.

Fleirtalet på 10 var sett saman av Ap (8) og KrF (2).

Det var to framlegg til vedtak i saka.

Eitt framlegg frå Ap og KrF:

Framlegg til vedtak i sak 082/18:

Austrheim kommune betalar kr 900.000,- til Odd Arne Blindheim og Carsten Søreide i tråd med framforhandla avtale. Odd Arne Blindheim og Carsten Søreide legg på si side bort alle krav og fordringar retta mot Austrheim kommune eller enkeltpersonar som har representert Austrheim kommune i den såkalla «Breidvik-saka». Partane kan heller ikkje i framtida setja fram krav mot kvarandre i denne saka. Dette vedtaket skal følgjast opp med ein ny, juridisk bindande avtale som skal signerast av ordførar, rådmann, Odd Arne Blindheim og Carsten Søreide før erstatningsutbetalinga finn stad.

Eitt framlegg frå Jorund Stellberg (uavhengig):

Framlegg til vedtak i KS sak 082/18 :

Framforhandla avtale datert 31.10.18, vert ikkje godkjent.

Rådmannen sitt framlegg til vedtak vart ikkje fremja i kommunestyret. Dei to andre vedtaksframlegga vart sette opp mot kvarandre, og framlegget frå Ap og KrF vart vedteke med 10 mot 7 røyster:

Fleirtalet på 10 var sett saman av Ap (8) og KrF (2).

Mindretalet på 7 var sett saman av Sp (1), Høgre (3), Venstre (1), og dei to uavhengige Jorund Stellberg og Liv Ulvøy.

KS - vedtak:

Austrheim kommune betalar kr 900.000,- til Odd Arne Blindheim og Carsten Søreide i tråd med framforhandla avtale. Odd Arne Blindheim og Carsten Søreide legg på si side bort alle krav og

fordringar retta mot Austrheim kommune eller enkeltpersonar som har representert Austrheim kommune i den såkalla «Breidvik-saka». Partane kan heller ikkje i framtida setja fram krav mot kvarandre i denne saka. Dette vedtaket skal følgjast opp med ein ny, juridisk bindande avtale som skal signerast av ordførar, rådmann, Odd Arne Blindheim og Carsten Søreide før erstatningsutbetalinga finn stad.

Vedteke med 10 røyster (Ap 8 og KrF 2) mot 7 røyster Sp (1), Høgre (3), Venstre (1), og dei to uavhengige Jorund Stellberg og Liv Ulvøy.

Saksopplysninger:

Bakgrunn

Saka gjeld forhandlingar mellom Odd Arne Blindheim og Carsten Søreide på den eine sida, og Austrheim kommune på den andre sida, med mål om å sette ein sluttstrek av sak/forhold som har oppstått etter kommunestyret si anmelding av partane og avslutta politietterforsking.

Partane har komme fram til ein framforhandla avtale som no vert lagt fram for kommunestyret til godkjenning.

Heimel og bakgrunn elles i tidlegare kommunestyresaker, sist av 10.juli og med justeringar 24.9.18

Kommunestyret - 071/18 - 24.09.2018

KS - behandling:

Saka vart drøfta

Endringsframlegg til vedtak v/ Anne Dahle Austrheim (Krf): Austrheim kommune forlengar forhandlingsfrist til 31.10.2018 jf. kommunestyresak 55/2018. Eventuell framforhandla avtale skal leggjast fram for kommunestyret til godkjenning i møte 08.11.2018.

Endringsframlegg til vedtak v/ Jorund Stellberg, (Uavh): Forhandlingsfrist vert ikkje forlenga

Det vart halde gruppemøte

Dei to endringsframlegga røysta opp i mot kvarandre.

Vedtak: Austrheim kommune forlengar forhandlingsfrist til 31.10.2018 jf. kommunestyresak 55/2018. Eventuell framforhandla avtale skal leggjast fram for kommunestyret til godkjenning i møte 08.11.2018

Vedtaket vart gjort med 11 mot 6 røyster. Ap, Sp og Krf røysta for og H, V og uavhengig representant røysta mot.

Vurdering

Med mandat av 10.7. & 24.9.18 har partane i alt gjennomført 4 forhandlingsmøte;
13.9.2018 forhandlingsmøte Austrheim

15.10.2018 forhandlingsmøte Knarvik/NUI
23.10.2018 forhandlingsmøte Bergen
31.10.18 med nytt og siste forhandlingsmøte i Bergen

Første forhandlingsmøte starta utan at det førelå noko konkret og grunnngje krav frå Blindheim/Søreide, noko som vart stilt som ein føresetnad for å forhandle vidare og for å vurdere evt. kompensasjon. Første møte vart såleis eit sonderingsmøte og statusmøte.

Til det 2. forhandlingsmøte førelå det eit konkret krav, vurdert som omfattande, krav summert opp til 15,7 mill.kr., og forhandlingane starta med eit stort avvik. Stort avvik frå at kommunen ikkje såg at det var grunnlag for kompensasjon i starten sett opp i mot det konkrete krav av 24.9.2018 på 15,7 mill.kr. Etter forholdsvis lange og omfattande forhandlingar i 2,3 og 4 forhandlingsmøte med ei rekkje særmøte enda ut med eit forlik den 31.10.2018. Ut i frå ein samla vurdering sett i forhold til konsekvensar av ein evt. rettsak og faktiske forhold elles, slutta begge partar seg til forliket

Mellom partene Austrheim kommune på den ene side og Carsten Søreide og Odd Arne Blindheim på den andre side, er det i dag inngått forlik om erstatningsutbetaling til Carsten Søreide og Odd Arne Blindheim for NOK 900.000,-

Konklusjon

Forhandlarane har vurdert det slik at det er grunnlag for å utbetale Odd Arne Blindheim og Carsten Søreide ein kompensasjon.

Framforhandla avtale vert lagt fram for kommunestyret for godkjenning.